

Em Leasing-Benz

Mir schdraggad uf 'ma Wiesle en Horb
Ond middledrenn' an Piggiggkorb
Dr Neggr fließt so vor sich noa'
Dui Szenerie dui machd ons fei' ao' oh

Mir hoggad schdondalang doa' am Neggr
Mir send Genießr, mir send Feinschmeggr
Am Sonndich fahrad mir zur Enz - em Leasing-Benz yeah, yeah

Mir send a' bissle neba dr Schbur
Mir wuhlad net en oinr Tour
Des Schaffa-Schbara-Häusle-Gsedz
Vrbannad mir uf d' hendrschde Plädz oh

A bissle Dreima, a bissle „Life is live“
A bissle Driala ond a bissle Drive
A bissle Robin Hood, a bissle Mack the Knife
A bissle Blues ond a bissle Jive

Mir wardad, bis d'Sonn' langsam ufgoahd
Mir wissad, dass des koinr vrschdoahd
Mir hen' koi' heggdische Mendalidäd
Ond schdellaweis' schdellad mir ons bled oh